

НАВРЎЗИНГИЗ МУБОРАК, АЗИЗ ЮРТДОШЛАР!

Хақсевар, она юрт, мангу бўл обод!



ТОШКЕНТ ҲАҚИҚАТИ

2009 йил
21 март
ШАНБА

№ 23
(12.138)

1928 йил 11 декабрда асос солинган

Вилоят ижтимоий-сиёсий газетаси

Эркин нархда сотилади

www.th.uz

БИЗ УЧУН ЭНГ АЗИЗ ВА ЭНГ МИЛЛИЙ БАЙРАМ

Ҳар бир халқнинг ўзига хос миллий қадриятларга асосланган байрамлари бор. Наврўз — мушкул ўзбекистонимизда қадр-қимматини, моҳиятини янгидан толган, маънавий ҳаётимизда тобора катта ўрин эгаллаб бораётган, халқимиз тарихи ва маданияти, қадриятларини ўзида ёрқин акс эттирган кўҳна ва боқий байрамдир.

Халқимиз катта байрамларни ҳамisha кўтаринки кайфиятда, муносиб тадбир билан қарши олишга одатланган. Бутун борлиққа тириклик

ва гўзаллик, яшариш ва бунёдкорлик олиб келувчи Наврўз айёми ҳар бир кўнгилда яратувчанлик иштиёқини уйғотиши билан ҳам ардоқлидир. Бинобарин, Юртбошимиз таъбири билан айтганда, бугун юртимиздаги барча миллат ва элат вакиллари маҳаллаларда, тураржойларда бу гўзал ва дилбоз айёмни ягона оила бўлиб, катта хурсандчилик билан нишонламоқда. Бу эса Наврўзнинг ҳақиқатан ҳам ноёб ва бетакрор экани, одамзотни фақат эзгулик ва яхшиликка даъват этишини яққол тасдиқлайди.



ГУЛЛАДИ, ЯШНАДИ БОРИ ТИРИКЛИК

Эрта тонг эшик очиб, ҳовлига тушсангиз, майин еллар юзларингизни ёқимли сийпалаб ўтади, тепаликларнинг кунгай ёнбошидаги сап-сарик тутмача таққан қоқигуллар ҳиди сармаст қилади. Боғ айлансангиз, ўрик шохларида гулқосалар кўз очган. Қиш бўйи қор босиб, қаддини эгиб қўйган олча икки-уч кунда ҳийла тик тортиб, куртаклари бўртиб қолган. Бир тул бодом аллақачон гулларини тўккан. Наврўз ҳар бўғинда шода-шода гул бошлапти. Ҳадемай, унинг гулқосалари бодраб, оппоқ гулбарглари боларилар учиб-қўниб қолади.

Йўлак бўйлаб ўсган гунафшлар гуллаб, қизғиш-сиёҳранг товланади. Қайқа қарама-қарши бори тириклик ўсишда, гуллашда. Табиат бағрида ранглар жилоси басма-бас. Паст-баланд тоғ чўққилари ортидан энди бош кўтарга бошлаган қуёшнинг кўк бағрига ёйилаётган нурлари ҳам бугун булакча: тиник, ёрқин, шуваси кўзни олғудек.

Қишнинг қархли-заҳрли паллалари чекинди. Жунжиккан вужудларга илқилик, кўнгилларга ўзгача рух, кўзларга қувонч бағишлаб, гўзал баҳор билан изма-из ўзининг бутун мафтункорлигини кўз-кўз қилиб юртимизга Наврўзи олам қириб келди. Қуқариш, яшариш, гуллаш ва яшнаш, кут-барақа палласи — Янги йил эшик қочди. Уйғонган она табиатнинг ўзи барча дала-далаларга, боғ-роғларга — меҳнатга чорлапти. Баҳор тафти ва галлакор меҳридан баҳра олган кўзги бугдойзорларда ниҳоллар "болаляпти". Ҳар илдишдан мурғак куртаклар пайдо бўлиб, барг ёзапти, басма-бас бўйи чўзаяпти. Бу уйғониш, бу экиштикиш, ҳадемай, она замин ноз-неъматларида янги ризқ бўлиб рўзгорга барака киритади.

Ҳа, баҳорий уйғониш эпикни юрт кезаяпти, эл ошаляпти. Бустонликнинг чекка бир овули — Сирлибостовда хали тескай қирларни қор босиб ётибди. Лекин кунгай текисликларда иш қизгин — одамлар ерларни шудгорлаб, баҳорги бугдой сепишляпти. Нарирокда — буғ таратиб турган шудгор четидан бошланувчи яйловда қўй-қўзилар подаси ёйилиб кетган. Чиноз томонларда, айтايлик, Яллама қишлоғи хонадонларида эса, қозонларда сумалак қайнови билан басма-бас қиз-келиндарнинг шўх-шўх лапарлари, айтишувлари янграяпти. Қиш бўйи увши-

ган бармоқлар дўтор торлари бўйлаб уйқоқлайди. Қирқ қоқил қилиб ўрилган сочларини ҳавода учириб, қизлар даврада гир айланяпти, эшилиб-эшилиб рақса тушишляпти.

Айвон тағсичини қалдирғочдек тизилган кичкинтойлар момоларининг эрталаҳи маҳлиё. Нарирокда, ҳовлининг этагида йигитлар самоварга ўт қалашаяпти. Бу даврада гоҳи-гоҳи шундай қаҳқаҳа кўтариладики, новда-шоҳларда учиб-қўниб, уйқоқлашяпти қишлар "гурр" этиб осмонга ўрлайди.

Ҳовли ўртасида дастурхон тўзаётган қизлар эса, қулги эшитилган томонга — сирли-сирли кўз ташлаб қўйишляпти. Шунда қулча чехраларга ниматир қизил қилли югуради, баъзилари қошларини чимириб, рўмоллари учини химириб, тишлаб олишляпти.

Боғ этагида, сой бўйида қизалоқлар гулжон. Қўм-қўқ барг ёзган мажнунтол новдаларини эгиб, сочпоқ, бошчамбарлар ясаляпти. Бу машғулот уларнинг бутун борлигини шунчалик сеҳрлаб қўйганки, ҳатто, ҳовлидаги ўйин-қулги, чилдирма ва сурнай садосига эътибор ҳам беришмайди.

Шу пайт ҳовлининг ўрта белидаги катта ўрикка осилган ағримокда атлас қўйлаган этакларини хиллартганча, баланд-баланд учётган Кундузай жарангдор овозда қушиқ бошлаб қолади:

Сочки қилиб сочай қувончларимни...

Ҳамма ёқимли қушиққа маҳлиё бўлиб қолади. Ҳа, бугун ҳар бир дилда қувонч лиммо-лим. Чунки, ўлкамизда баҳор сабоси эса бошлади.

Бу тонг ҳаммамиз интиқиб, орзиқиб кутганимиз — Наврўзи олам ташриф буюрди.

Ассалом, Наврўз! Ассалом, Янги кун!

Вилоятимиз аҳли ҳам бу йилги Наврўз тантаналарини ўзгача рух, хушайфият билан нишонламоқда. Асосий байрам тантаналари кеча эрта тонгданок Қумовул қишлоғидаги вилоят "Маънавият ва маърифат" марказининг сўлим хиббониди бошланди.

Дарҳақиқат, бу йил кўлам вилоятимизга эрта келди. Бунга аллақачон чор-атрофи кўлик ва гўзалликка бурканган гулу чечакларнинг ифори, дов-даракларнинг бодраб гуллаши, саҳий табиатнинг хуш насимларидан илғаб олиш қийин эмас. Бу эртанги тўқинлик, кут-барақадан дарак. "Яхши одам кўзидан, яхши йил Наврўзидан маълум", деб беҳиз айтмайдилар.

Эрта тонгдан миллий карнай-сурнай наволари янгради. Наврўз фалсафаси, моҳиятига монанд безатилган хушманзара гушада ёзилган



тўқин дастурхон атрофида вилоят фаоллари, нуроний отахону онахонлар, меҳнат илғорлари, фермеру боғбонлар, тадбиркорлар, жамоат ташкилотлари вакиллари ва вилоятимиз меҳмонлари жамулжам бўлдилар.

Байрам иштирокчиларини вилоят ҳокими Рустам Холатов самимий кутлар экан, табиатан меҳнатқаш бўлган вилоятимиз аҳли, бободехқонларимиз олдида турган шарафли ва масъулиятли вазифаларда улкан зафарлар тилади. Меҳнат фаолиятида, ишни ташкил қилишда алоҳида намуна кўрсатиб келаётган бир гуруҳ вилоятдошларимизга ҳокимликнинг қимматбахо эсдалик совгалари топширилди.

Дастурхонга баҳорнинг шох таоми сумалак, кўламнинг тансиқ неъматларидан тайёрланган егуликлар ҳамда ўзбекистон палов тортилди.

Вилоят маданият ва спорт ишлари бошқармасининг бадий жамоалари, фольклор гуруҳлари ҳамда ўзбек эстрада юлдузларининг қишги байрам тантаналарида алоҳида кўтаринчилик бахш этди.

Наврўз шодиёналари вилоятимиз туман ва шаҳарлари, қишлоқ ва маҳаллаларида давом этмоқда.

СУРАТЛАРДА: байрам тантаналаридан лавҳалар.

Даврон АҲМАД олган суратлар.

«ЕРИМИЗ УЧ БАРАВАР КЕНГАЙДИ»

дейди Янгийўл туманидаги "Маҳмудов Ўткир" фермер хўжалиги раҳбари Гулчехра Маҳмудова

ЁРУҒ ДУНЁНИНГ ЕТТИНЧИ МЎЪЖИЗАСИ

— Аслини олганда бу шунчаки ривоят эмас, — дейди фалсафа фанлари доктори, профессор Тилаб Маҳмудов. — Наврўз еру кўкнинг янгилаш санаси, олам-жаҳон гурқираб, чирой очиб, мўл-кўл хирмонлар уюладиган шарқона янги йилнинг биринчи кунли сифатида кенг нишонлаб келинаётган чинакам халқ байрами.

Бу ҳақда қадим "Авесто" китобида ҳам мукаммал маълумотлар ёзиб қолдирилган. Заратустра етти мўъжиза — сув, ер, ҳаво, олов, ўсимлик, сигир ва инсонни яратган, уларга мутаносиб равишдаги байрамларни ҳам одат қилиб қолдирган. Уларнинг еттинчиси — Наврўз.

Шу кунга ерга омон ту-

шиб, уруғ сепилиши билан дала-дашларда иш бошланган. Одамлар ўтлоқларга, майсазорларга сайла чиқишган.

Наврўз — бизнинг она табиат билан уйғунлигимиз тимсоли, инсоннинг меҳнат фаолияти бошланиши билан боғлиқ байрам. Шу боис биз ҳар йили Наврўзни, яъни борлиқнинг гуллаб-яшнаши, майсалар бўйи бўйиб, оламни яшнатиб юборишни ўзгача интиқлик билан кутамиз.

Чучумалар, қоқигуллар дала-қирларни чаманзорга айлантиришда вужудларимизда аллақандай энгиллик, ҳаётга, меҳнатга ошуватили сезамиз. Бу ҳаёт абадийлигидан дарак.

(Давоми 2-бетда).

Фермер хўжалиги қанчал кенгайса, деҳқончилик маданиятини илмий асосда юксалтириб бориш имконияти ҳам шунчалик ортади. Аввало, экинларни мақбул тарзда жойлаштириш қўлайлашади. Яъни илмий асосланган алмашлаб экиш тартибини рисоладагидек жорий этиш мумкин бўлади. Қолаверса, бир қисм экин майдонига галма-галдан дам бериб бориш ва шу йўл билан ерларнинг унумдорлигини сақлаб туриш имконияти туғилади. Ана шу омилир пировардида ҳосилдорликнинг ошишини таъминлайди. Юқори ҳосилдорлик эса, қишлоқ хўжалиги ишлаб чиқариши самарадорлигини белгиловчи асосий омидир.

Республика Президенти Халқ депутатлари вилоят кенгашининг навбатдан ташқари сессиясидаги нутқидан бошқа вилоятларга нисбатан анча катта соҳиятга эга бўлишда, айнан қишлоқ хўжалиги самарадорлиги пасайиб кетганини, айниқса, пахта ва галла ҳосилдорлиги ҳеч қандай сабабсиз қамайтириб юборилганига эътиборни қаратиб, жиддий эътирозлар билдирган эди. Ҳақиқатан ҳам бунга қўллаб-қувватловчи ҳужжатлар мавжуд. Масалан, "Маҳмудов Ўткир" фермер хўжалиги 2006 йилда таъкил этилганида, унга бириктирилган майдонларда бир йил олдин ҳосилдорлик пахтадан 8 центнерга, галладан 11 центнерга тушиб қолган эди. Фермер хўжалиги эса, кейинги уч йил давомида шартнома мажбуриятларини ортиги билан бажариб келди.

Давлат эҳтиёжлари учун

етиштирилмаган пахта ва галла юзасидан 2009 йил учун тузилган шартномада пахта ҳисобидан 28 центнер, галла эса 32 центнер қилиб белгиланган.

— Бу ҳали кам, — дейди фермер хўжалиги раҳбари Гулчехра Маҳмудова. — Тўғри, биз ўтган уч йил давомида бу икки асосий экин ҳосилдорлигини уч ярим баравар оширишга эришдик. Аммо, бугунги талаб мутлақо

бошқача. Вилоятимиз шароитида пахта ҳосилдорлигини 30 центнердан ошириш, галла эса 50 центнердан қамайтирмамаслик учун ҳамма табиий имкониятлар бор. Биздан омирлик билан ишлаш, тинимсиз ишлаш, интилиш талаб этилади, холос.

Эътироф этиш керакки, ҳозир ишлаётган фермер учун ҳамма зарур шарт-шароитлар яратиб қўйил-



СУРАТДА: хўжалик аъзолари Баҳодир Абдурахмонов ва Юсуф Асқаров кўчат экишляпти.

Даврон АҲМАД олган сурат.

ган. Уларга хизмат кўрсатувчи барча инфратузилмалар шаклланиб улғурди. Илгаригидек, ёнлиги ва ўғит олиш учун омборлар, омбор олиб-югуришлар, кунлаб навбат пойлашлар, омбор мудирларининг ҳам эътибори, ҳам бўйидан уришлар йўқ эди. Ҳар бир фермер хўжалиги ҳудудида очилган ёки нари борса, бир қадим масофадаги шаҳобчадан истаган нарсасини қерағича олиб, экинга бераверди. Техникадан тақчиллиги бўлса, муқобил МТПлар хизматига тайёр.

Фермернинг ери кенгайса, даромади ҳам қўпаяди, бинобарин, техника сотиб олиш имконияти ҳам шунга яраша бўлади. Бу хўжаликнинг учта МТЗ-80 чоқик ҳамда битта "Олтой" хайдов трактори бор эди. 2008 йилда БТ-150 ва К-701 хайдов ҳамда МТЗ-80 чоқик трактори сотиб олди. Илгари хўжаликнинг бор-йўғи 10 нафар аъзоси бўлса, ҳозир 80 оила вакилини доимий иш билан таъминляпти.

(Давоми 3-бетда).

НАВРЎЗ ИНШОТЛАРИ

ЗАНГИОТА

Бу байрам хонободликларни бениҳоя қувонтирётгани аниқ. Қишлоқда маҳалланинг янги гузарни очилмоқда. Қаторотликлар учун эса, бизнес маркази фаолият кўрсата бошлайди. Зангиота қишлоғидаги маийш хизмат кўрсатиш шаҳобчасининг очилиши аҳоли учун яна бир қулайлик яратди.

ЧИНОЗ

Янги Чиноз шаҳарчасида маҳалла гузарни қурилди. Байрамга яна бир қўштакча хозирлаб қўйилган. Самарқанд кўчасида фаолият бошлайдиган қорхона маҳаллий ёшларни иш билан таъминлаш борасида кенг имкониятлар яратди. Қўнлар исчи билан аҳолининг салқин ичимликларга бўлган эҳтиёжини қондириш мақсадида шундай маҳсулотлар ишлаб чиқариш қорхонаси ишга тушмоқда.


ОҚЎРҒОН

Бу йил туман деҳқон бозори маъмурияти байрамона тўхфа хозирлаган. Бу ерда қўшимча 20 та маийш савдо дўкони янгидан бунёд этилди. Оқўрғон, Қўлтупа қишлоқларидаги янги барпо этилган тўйхона, умумий овқатланиш мажмуаси ўз миқјозлари хизматига шай.

БАХТ БУГУН, БАЙРАМ БУГУН, ШАРАФЛИ НАВРЎЗ БУГУН,




СУРАТДА: инвестор Фарҳод Мираҳмедов ва клиника жамоаси бу йилги Наврўз байрами унмрбод эслаб юрсалар ажабмас; ультратовуш ташхиси мутахассиси, кардиолог Шаҳноза Шералиева дастлабки кунданоқ беморларни қабул қила бошлади; бир гуруҳ шифокорлар навбатдаги режалар устида суҳбатлашишмоқда. Даврон АХМАД олган суратлар.



АҲОЛИГА ЧИНАКАМ БАЙРАМ СОВҒАСИ

Наврўз айёми арафасида Қибрай тумани марказида "Farhod Madad Shifo" хусусий клиникасининг иш бошлаши аҳоли учун чинакам байрам совғаси бўлди. Шу сабабли ҳам унинг фойдаланишга топширилди маросими ростмана тантанали бўлиб кетди.

Бир неча йил муқаддам қурилган туман шифохонасининг 4 қаватли биноси таъмирталаб бўлиб, ночор аҳолига таъмир қилиниб, тиббий хизмат кўрсатиш даражаси ҳам пасайиб кетган аҳолининг ҳақиқий эhti-розалирига сабаб бўлаётганди. Маҳаллий тадбиркор Фарҳод Мираҳмедов



лиш, таъмирлаш ишлари амалга оширилди. Шинам ва ёруғ беморхоналар замонавий услубда жиҳозланди, даволанувчилар учун барча маиший қулайликлар муҳайё қилинди. Сўнгги русумдаги тиббиёт анжомлари келтирилди. Ҳатто, даволанувчиларнинг спорт билан шугулланишлари учун ҳам шароит яратилди. Ҳозирда шифохонада кардиология, терапия, неврология, физиотерапия, ташхис маркази, лаборатория бўлимлари мавжуд. Шунингдек, офтальмология

ва гинекология бўлимларини очишга ҳам ҳозирлик қилияпти. — Бу ишни жуда катта ороу-умидлар билан бошлаган эдик, шўқри, тумандошларимиз олдида юзимиш ёруғ бўлди, — дейди инвестор Фарҳод Мираҳмедов. — Шифохонамиз тумандошларимиз саломатлигини муҳофаза қилишда муносиб ўрин тутди, деб ишонаман. Мени хурсанд қилаётган яна бир жиҳат, клиникамизда олтимишга яқин тиббиёт ходими доимий иш билан таъминланади.

НАВРЎЗ ИНШООТЛАРИ

АНГРЕН

Байрам кунлари шаҳарда бир неча маиший ва озиқ-овқат дўконлари ўз фаолиятини бошлади. Жумладан, Полтаев ва Чикризов кўчалари аҳолиси учун бу қулайликлар байрам тўғриси бўлди.

БЕКОБОД

Амир Темур ва Б. Зокиров номли ҳамда Ўзбекистон кўчаларида турли маиший буюмлар ва озиқ-овқат савдоси билан шугулланувчи дўконлар яна биттага қўшадиган бўлди. Туман буюм бозорида ҳам бир қатор янги тижорат дўконлари иш бошламоқда.

ОХАНГАРОН

Шаҳар деҳқон бозорида бир неча савдо дўконлари, барча қулайликларга эга бўлган чойхона ишга тушди. Бу шаҳарликлар бўш вақтларида мириқиб маданият хордиқ чиқаришлари учун муносиб тўғради.

Холмухаммедов номли кўчада автомобиль эгалари учун янги қулайлик яратилди. Автомобилларга ёқилги қўйиш шаҳобчаси уларга ҳар жиҳатдан енгиллик туғдиради.

ЧИРЧИК

Шаҳарда байрамга ўзига ҳозирлик қўйилди. Янги иш ўринлари яратилиб, ёшлар муқим иш билан таъминланаётди. 3-кичик туман ёшлари энди янги тижорат аҳолига сифатли маиший хизмат кўрсатишди.

Шошилинч тиббий марказининг янги биноси аҳолига хизмат кўрсатиш даражасини ошириш, халқ саломатлигини сақлашда муқим ўрин тутуши шубҳасиз.

ОЛМАЛИК

"Камалак" деҳқон бозори ўзига хос қўйфага эга. Бугун бозор яна янги савдо дўконлари билан кенгаймоқда. Шунингдек, Туркистон ва Примкулов номли кўчаларда ҳам янги дўконлар фаолият бошлади.

ЯНГИЙЎЛ

Янгийўлликлар Наврўз тантаналарини катта шодие билан қутиб олишяпти. Байрам тантаналари жойларда бир неча янги иншоотлар тақдиротида уланиб кетади. Наврўз даҳасида қад роллаган умумий оқватланиш ошхонаси бундан буюн мижозларини миллий таомлар билан хушнуд этади. Шунингдек, бу ҳудудда 2 та шарқона услубдаги қўрқам ресторан ҳам иш бошлади. Нотариус идораси ҳам байрамга муносиб тўғра бўлади.

ЮРТИМИЗНИНГ ҲАР ГЎШАСИ БИР ЖАННАТ

Бўстонлик этагидаги Ҳисор тоғлари билан бўйлашган Чотқол тизмасининг "Қора бола" қоясидан туриб атрофини кузатсангиз, вилоятимизнинг шаҳар ва қишлоқларини экологик жиҳатдан тоза ва мусавво ҳаво билан таъминлаб, ажиб кўркемлик бахш этиб турган Миллий табиат боғимиз тасаруфидagi тоғли Бурчмулла, Паркент, Оҳангарон, «Чотқол-биосфера» ва бошқа катта-кичик ўрмон хўжалиқларини худди кафтдагидек кўрасиз.

Бурчмуллани сайр этган бир сайёх дунёда энг гўзал, жаннатмакон макдан — Ўзбекистон, унинг тоғлари ва ўрмонлари, деяр таъриф берган эди. Бу бежиз эмас. Мутахассис олимларнинг фикрича, қалин арчазорлардан иборат юртимиз тоғлари иқлими ва табиати жиҳатидан Швейцариядан қолишмас экан. Вақт топиб, тоғларга бир чиқсангиз, инсон саломатлиги учун қони фойда мусавво булоқлар, турли хил гиёҳларни учратасиз. Улар бевосита табиатда ҳам кенг қўлланилаётди.

Биз, ўрмончилар 2009 йил куз ва 2010 йил баҳор мавсумлари учун 784 минг 500 туп қўчат етиштиришни режалаштирганимиз. Шу қўламанда Бўстонлик — Чорвоқ йўли ёқасига хўжалиқларимизда етиштирилган 68 минг 950 туп игна баргли арча, теграк ва мевали дарахт нўхталари ўтқазилди. Бундан ташқари, вилоятимиздаги аҳоли истикомат жойларида 30 минг 250 туп ҳар хил қўчатлар экилд. Шунингдек, Оҳангарон, Бурчмулла ўрмон хўжалиқлари ҳомийлик асосида бюджет ташкилотлари учун 7 мингдан зиёд мевали ва манзарали дарахт қўчатлари ажратди.

"Қишлоқ тараққиёти ва фаровонлиги йили" Давлат дастурида жойларда аҳолини иш билан таъминлаш, янги иш ўринлари яратиш масалаларига кенг ўрин берилган. Шу мақсадда вилоятимизнинг туман ва шаҳарларида ишлаб чиқаришни кенгайтириш, янги корхоналар яратиш, қасанчаликни ривожлантириш, сервис хизматини йўлга қўйишга ҳар қачонгидан кўпроқ эътибор қаратилаётди.

тадбирлар ишлаб чиқиди. Шу йўналишда ҳозир Оҳангарон туманининг Андаржон қўрғонидан Ўқчи қишлоғигача бўлган икки километр масофада ичимлик суви қувурлари ётқирилди. 2,8 километр масофадаги Бурчмулла ва Яқутат йўлларини асфальтлашни бошлади. Шунингдек, "Автомобиль йўли қурилиши" давлат акциядорлик компанияси назоратида қурувчиларимиз Бўстонликнинг Пском қишлоқ аҳолиси учун тоғ шароитида қулай ва хавфсиз бўлган дарё кўприги бунёд этишяпти. Мустақиллик байрами арафасида фойдаланишга топширилган бу қурилма учун лойиҳа асосида 269 миллион сўм маблағ ажратилди.

Аҳоли турмуш даражасини яхшилаш, бандлигини таъминлаш, ҳозирги кунда жаҳонда кеңайган молиявий-иқтисодий инқирознинг олдинчи олий мақсадида бошқарма раёсати қарори билан кам таъминланган оилалар учун ўрмон хўжалиқлари ҳудудларидан жами 600 гектардан зиёд мевазор ўрмонлар ижарага берилди. Ўздан зиёд аҳоли ҳар йили апрель-май ойларида доривор ўсимликлар ва гиёҳлар йиғиш учун мавсумий ишга жалб этилади.

Шуниси аҳамиятлики, ўрмон хўжалиқларида доривор ўсимликлар бе-

хисоб. Турлари ҳам йилдан-йилга қўтайтириляпти. Ўтган йилги мавсумда 54 тонна турли гиёҳлар йиғилган бўлса, бу йил 94 тоннага етказиш мўлжалланган. Шунга қараб, 20-25 та қўшимча иш ўрни яратилади.

Бошқармаимиз иқтисодий ўқувчи ва ёшларни қўллаб-қувватлаш ва рағбатлантиришга алоҳида эътибор қаратаёпти. Жумладан, Бўстонликдаги қишлоқ хўжалиги касб-ҳунар коллежи, 39, 40, 41, 46-умумтаълим мактаблари ўқувчилари, Ангрндаги 34-мехрибонлик уйи тарбияланувчиларини рағбатлантириш учун ҳар йили бир миллион сўмга яқин маблағ ажратилади. "Чотқол-биосфера", Паркент, Оҳангарон ўрмон хўжалиқларида ҳам бу анъана изчил йўлга қўйилган.

Эрта қўламанда Бурчмулладан 60 километр узоқликдаги тоғли Пском қишлоғида, шунингдек, Чорвоқ сув омбори ҳудудида янги арчазор, тутзор ҳамда мевали боғлар барпо этилди. Мақсад — юртимизнинг жаннатмакон гўшаларини янада обод ва кўркем қилиш, халқимиз турмуш даражасини юксалтириш учун бор имкониятларни ишга солиш.

Фурсатдан фойдаланиб, барча ўртоқларимизни республикаимиз ўрмончилари номидан ОНА диёриймиз бўйлаб кезаётган яшариш ва яшатиш айёми — Наврўзи олам ташрифи билан самийий қўтайман.

Мустақиллик берган эрк ва саодат Ўзбекистонимиз, халқимиз бахтига абадий бўлсин!

Абдукарим АБДУЖАЛИЛОВ,
"Ўғом-Чотқол" давлат табиат миллий боғи бошқармаси бошлиғи.

ЁРУҒ ДУНЁНИНГ ЕТТИНЧИ МЎЪЖИЗАСИ

Хонадонларда, гузарларда дошқозонлар осилиб, сумалак, ҳалим пиширилади. Қиз-келиндар минг турли пишириқлар тайёрлашади. Майдонларга дорлар қурилади. Карнай-сурнай, ноғораю чилдирмалар жўровоз бўлиб, элли майсазорларга ёзилган тўкин дастурхонлар атрофига чорлайди. Халқ тантаналари, шоду хуррамлик билан бошланган Наврўзи олам элу юртга фойз-барака, гўзаллик олиб келади.

Дорбозлар, масҳарабозлар, қизкичлар, асқиячилар, полвонлар маҳоратда куч синашишади. Чекка-чеккада бола-қайлар варрак учирашади, ким ўзарга ўйнашади.

Замон, давру давронлар ўтиб, азалий қадриятлар, Наврўз билан боғлиқ етти мўъжизанинг маънавий асосларига муносабатлар ўзгарди. Вилоятимиз шаҳар ва

қишлоқларида Наврўз байрами тантаналари авжга чиқаяпти. Қадим анъаналар — Наврўзи арафасида ҳўлимизни, хонадонларимизни олис қиш ғуборларидан тоза-лаб, орасталашга киришдик. Қўчалар, йўлаклар, майдон ва хиёбонларга тозаланиб, қўламан-зорлаштирилди. Гул қўчатлари, мевали ва манзарали дарахтлар экиш авжиди. Шуниси диққатга сазоворки, Бекобод маҳаллаларида бошланган "Ҳар бир киши — бир туп қўчат" ҳаракати бугун бутун вилоят шаҳар ва қишлоқларида кенг қўлоқ ёйди.

Наврўз — инсонларварлик, бағрикенглик, одамийлик байрами. Наврўз кунлари беморлар зиёрат қилинади, бева-бечоралар ҳолидан хабар олинади, мўйсафидларга алоҳида ҳурмат-эҳтиром кўрсатилади.

Жамиятда бошланган миллий уйғониш ва янгилигиш жараёналари Наврўзга янгилик рух, ян-

гича шуқуҳ бағишлади. Ҳеч қандай диний қарашлар ва мафкурага алоқадор бўлмаган бу чинакам халқ байрами бугун замондошларимиз ўзлигини англашига хизмат қилиб, шу азиз Ватан, она дийр, қадрдон юрт учун миллий ифтихор туйғусини қучайтирмоқда.

Эндиликда Наврўзини мамлакатимизда истиқомат қилаётган барча миллат ва элат вакиллари, қайси динга мансублигидан қатъи назар, йил сайин баҳор байрами, янгилиниш байрами, умумхалқ байрами сифатида тобора кенг нишонлашмоқда. Бу байрам турли миллатларга мансуб ватандошларимиз учун маънавий қадриятлар, миллий урф-одатлар ва расм-русумларни намойиш этиш билан бирга, қалбларда бу муқаддас замон ҳар биримиз учун ягона Ватан эканлигидан фахрланиш туйғусини жўшурдиради.

Жўрабек МУРОДОВ.

ТАЛАБАЛАР БЕЛЛАШУВИ

Алишер Навоий номидаги Наманган вилоят мусикали драма театрида талабалар ўртасида ўтказиб келинётган "Кувноқлар ва зуклолар" кўрик-танловининг 5-саралаш босқичи бўлиб ўтди. Унда Тошкент вилоят педагогика институтининг "Ангрн полвонлари" жамоаси ҳам иштирок этиб, белгиланган шарлар бўйича ўз билим ва маҳоратини синодан ўтказди.

Қизгин кечган беллашулар натижасига кўра, мезбонлар жамоаси биринчи, "Ангрн полвонлари" иккинчи, "АндрМИИСтрит" жамоаси учинчи ўринни эгаллади.

Ў.А.

ЭРТАДАН ИШГА ЧИҚАСИЗ...

"Қишлоқ тараққиёти ва фаровонлиги йили" Давлат дастурида жойларда аҳолини иш билан таъминлаш, янги иш ўринлари яратиш масалаларига кенг ўрин берилган. Шу мақсадда вилоятимизнинг туман ва шаҳарларида ишлаб чиқаришни кенгайтириш, янги корхоналар яратиш, қасанчаликни ривожлантириш, сервис хизматини йўлга қўйишга ҳар қачонгидан кўпроқ эътибор қаратилаётди.

Наврўз байрами арафасида Оқўрғон туманида ташкил этилган меҳнат ярмаркаси кўтаринки руҳда ўтди. Ишлаб чиқариш корхоналари, фермер хўжалиқлари, банк, тиббиёт, таълим муассасалари 635 та бўш иш ўрни билан иштирок этишди. Шу кунни ярмаркага ташриф буюрган 434 нафар фуқаро янги иш жойига эга бўлди. Кол-

лежни тамомлаган ёш йигит-қизлар ўз мутахассислиги бўйича вазифаларга тақлиф этилди. Қолган ёшларга эса, керакли тавсия ва маслаҳатлар берилди.

Ҳозирда туманимизда коллеж битирувчилари, ҳарбий хизматни тамомлаб келган йигитлар ҳамда ногиронларни иш билан таъминлашга алоҳида эътибор бераёп-

миз, — дейди туман бандлик-қақмаклашувчи марказ раҳбари Одижон Донаев. — Бу борада ишлаб чиқаришни кенгайтириш, кичик корхоналар очишни режалаштирганмиз.

Дарҳақиқат, бу йил туманда 4090 нафар аҳолини иш билан таъминлаш мақсадида 20 та янги корхона очиш кўзда тутилган.

Укун ҲАМДАМОВ.
СУРАТДА: иш берувчи корхона мутасаддилари ярмарка иштирокчилари билан шартнома тузиш чоғида.

Еркебой БОТИРОВ
олган сурат.



Азиз юртдошлар!

«ТО'НТАНИЙОЗ-ОТА»

фермер хўжалиги

Сизларни азалий ва саодатли айём —

Наврўз билан

қизгин муборакбод этиб, кўнгилларга шодлик, хонадонларга хотиржамлик ва қут-барака тилайди.

«Ўзбекистонда ишлаб чиқарилган энг сифатли гўшт маҳсулот» совринига эга корхона республикаимиздаги барча савдо ташкилотларини, тадбиркорлик субъектлари ва ишбилармон доиралар вакиллари кенг турдаги сифатли қолбаса маҳсулотларини аҳоли дастурхонига етказиб бериш йўлида ҳамкорликка чорлайди.

«То'нтанийоз-ота» фермер хўжалигида тайёрланган гўшт, тухум ва қолбаса маҳсулотлари дастурхонингизга ҳамиша фойз-барака бахш этсин.

Манзил: Тошкент тумани, Келес шаҳри.
Телефон: 718-08-08, (факс) 150-11-97

Маҳсулотлар сертификатланган
Хизматлар лицензияланган

БИР-БИРИГА КЕЛДИ ТЕНГ КЕЧАЮ КУНДУЗ БУГУН



«ЕРИМИЗ УЧ БАРАВАР КЕНГАЙДИ»

Бу йил 131 гектар майдонда пахта етиштириш режалаштирилмоқда. 145 гектардаги «Восток» бугдой навининг авжи баланд. Бу бежиз эмас. Хўжалик «Элита» нав уруғлик бугдой етиштириб бериш юзасидан шартнома тузган. Шу боис гектарига 10 тонна ҳисобда маҳаллий ўғит, 108 килограмм аммофос, 100 килограмм карбамид берилди. Кейинги кунлардаги ёғингарчиликлардан фойдаланиб, 200 килограммдан селитра сепилди.

Айтиш мумкинки, «Махмудов Ўткир» тумандаги нафақат энг йирик, балки кўптармоқли фермер хўжаликларидан бири. 40 гектарга яқин мевали боғ ва

тоқзорда асосан олма, олхўри, гилос ва узум етиштирилади.

— Кишлоқларимизни ҳар томонлама тараққий эттириш, аҳоли турмуш фаровонлигини юксалтириш Юртбошимиз раҳнамоллигида амалга оширилаётган ижтимоий-иқтисодий ислохларнинг устувор йўналиши ва пировард мақсади эканлиги бугун ҳаммага аён, — дейди Гулчехра Махмудова. — 2009 йил «Кишлоқ тараққиёти ва фаровонлиги йили» деб эълон қилиниб, махсус давлат дастури ишлаб чиқилди. Ҳамма жойда амалий ишлар бошлаб юборилганига анча бўлди. Кишлоқларимиз истиқболли кўзлаб тузилган ушбу

дастурнинг бекаму кўст амалга оширилишига салмоқли ҳисса қўшиш биз — фермерларнинг биринчи галдаги вазифамиздир.

Фермер сўзига амал қилаётти. Йилнинг бир чораги ўтмасиданок хўжаликда талай ишлар қилиб қўйилди. Бутун ҳудуд бўйлаб ободонлаштириш ва кўкаламзорлаштиришга зўр берилаяпти. Барча сўғориш шаҳобчалари, йўл ва кўчалар тозаланиб, тартибга келтирилди. 3000 туп терак, 400 туп манзарали ва 2000 туп мевали дарахт кўчати экилди.

Айниқса, бир эмас, иккита шинам дала шийони оросталаниб, зарур замонавий жиҳозлар билан безатилганидан хўжалик аъзола-

рининг ўзлари ҳам беҳад хурсанд. Уларга бориладиган йўллар текис асфальтланган. Шийонларда ҳатто ювиниш хоналарига ҳам бор. Навбатда эса, туманда, қолаверса, вилоятда давлат дастури доирасида амалга оширилаётган қуриш, таъмирлаш ва ободонлаштириш ишларида фаол иштирок этишдек хайр саховат ишлари турибди.

Абдусамад Йўлдошев,
«Тошкент ҳақиқати»
мухбири.

СУРАТДА: ишбоши Баҳодир Сатторов тракторчи Мирзаназар Умрзоқов билан навбатдаги вазифалар ҳақида фикрлашмоқда.

Даврон АХМАД
олган сурат.

Одамзот асли эзгуликка интиқ яшайди. Яхшилиқни етаклаган баҳорни соғинади. Меҳр чашмасидан баҳра олгуси келади.

Ўзбекистон халқ шоири Махмуд Тоир юрагига чирилган эзгу тилаклари, баҳорий илҳомларидан шеърини гулдаста тузиб, сизга илинди. Баҳраманд бўлинг, азиз муштарий.

ОРИЯТ

Қаҳр қанот қоқар зулмат қаърида,
Меҳр балқиб ётар офтоб бағрида.
Офтобга эврилсанг айланай, кўнглим,
Чехраимиз чайғаймиз поклик наҳрида.

Орият қон ичра балқиган ёғду,
Қадримиз қалқони бу тотли туйғу.
Қул етган жойларни гуллаб яшаб,
Бўй етмас самони қилмаймиз орзу.

Тунлари термилиб юлдуз юзига,
Догинг бор деёлмай ойнинг ўзига,
Тонггача тилимиз тишлаб чиқамиз,
Учгимиз келмайди шайтон сўзига.

Шукрона шаклини юракка чишиб,
Тонгги тилакларни шабнамдек тизиб,
Шеърнинг шаробини шимиргин, Махмуд,
Зарлару зўрлардан кўнглини узиб.



Махмуд ТОИР,
Ўзбекистон халқ шоири

ҲАР КУРТАК ЛАБИДА ҲАЙРАТ ОЧИЛУР

БЕҲОЛГИНА ОНАМ

Беморгина онам, бедоргина онам,
Оҳин ортмоқлаган ночоргина онам.
Азоблари оҳли, вале, дили моҳли,
Дуолари хушхол, дилдоргина онам.

Ажинлари армон, ажинлари ларзон,
Менинг оҳим оғир, мени эзар армон.
Беморгина онам, беҳолгина онам,
Шифосиз шифокорман, ёмонман, ёмон.

Беҳолгина онам, афғоргина онам,
Жоним ол дегувчи зор-зоргина онам.
Мен қандай фарзандман, мен қандай дилбандман,
Дармон тополмасам, малҳам тополмасам.

Жонимнинг чироғи, қадримнинг қароғи,
Беҳолгина онам, сабримнинг сўроғи.
Шифосин бергувчи шохидир шохим,
Паноҳида асрасин, илоҳим илоҳи.

ШИФО

Тиконлар бир майин товланса не тонг,
Оғриклар оромга айланса не тонг.
Шифо шаклидаги тоза туйғулар,
Жоннинг банд-бандига айланса не тонг.

Гуллар гулоб қуйса гуллар бағрида,
Булбул бахт улашса ишқий назмида.
Ҳар куртак лабида ҳайрат очилур,
Олам ифторланса баҳор измида.

Хур қизлар гинаси оппоқ булутлар,
Самонинг сийнаси оппоқ булутлар.
Қўрқаман, сизга кирмаса дейман,
Заминнинг киннаси оппоқ булутлар.

Баҳор бодроқлари чўчвара ёмғир,
Осмон титроқлари чўчвара ёмғир.
Мудроқ майсаларнинг қулоғин чўзгай,
Чорлов чироқлари чўчвара ёмғир.

Қўра билганларинг кўзингга шифо,
Сўраб билганларинг сўзингга шифо.
Баҳорга етмоқ ҳам гўзал бахт, Махмуд,
Шоирсан, ахтарма ўзингга шифо.

ОЛДИМ

Ойнинг ўроғин олдим,
Офтоб чироғин олдим.
Кўксингни чимдим тилиб,
Дилингга ёғду солдим.

Гулнинг гуноҳин олдим,
Булбулнинг оҳин олдим.
Қўйлаб қул қилолмайсан,
Тилингга жоду солдим.

Қамалак рангин олдим,
Қақмоқ жарангин олдим.
Кўнглинг қўклами бўлиб,
Юзингга кўзгу солдим.

Тонгнинг дуосин олдим,
Шабнам шифосин олдим.
Муродбахш майсалардек,
Қалбингга орзу солдим.

Қабоғинг қорин олдим,
Қароғинг зорин олдим.
Кўксингни очиб қара,
Толиқмас туйғу солдим.

УЛАР

Хикмат эгалари ҳайрат кўзгуси,
Оламини ёриттай кўнгил ёғдуси.
Ҳақдан сўрагани қадр қайғуси,
Улар дили билан тумор туттайлар,
Улар ҳар оқилни ҳумор қуттайлар.

Бош болишга етса батоқет бўлгай,
Бедорлик ҳам бахту саодат бўлгай,
Илму илтижоси ибодат бўлгай,
Фароғат файзидан кечиб яшарлар,
Улар ҳақ ҳукмидан чўчиб яшарлар.

Адолат офтоби дилда юз очар,
Юртнинг барокати элда юз очар,
Жаҳоннинг чироғи йўлда юз очар,
Улар эл оғзига элак туттайлар,
Улар тинчлик деган тилак туттайлар.

Кимнингдир наздида улар савдойи,
Улар яхшилиқни асил гадоийи.
Уларнинг қўлбаси савоб саройи,
Уларнинг баридан тутиб юр, Махмуд,
Келар йўлларини қутиб юр, Махмуд.

Қишлоқ одамлари

АҲИЛЛИК БОР ЖОЙДА ЯРАТУВЧИЛИК БОР

— Ботиржон, бугун ишга барвақт отланаяпсанми? — қозонга сут қўяётган Холниса она ўғлига юзланди.

— Ҳозир сут пишади, чойингни ичиб ол.

— Ойижон, бекатда ўртоғим кутаяпти, ўша кунни сизга айтувдим-ку, Ақром бизнинг қорхонага ишга кираяпти.

— Айтгандай, қорхонага дейсанми, ўзи уй шароитида ташкил этилган цех бўлса, — ажабланди она. — Яқиндагина олти киши ишга қабул қилинди, шекилли.

— Биласизми, ойижон, қорхонамиз икки йил илгариги цех эмас, ҳозир ун бешдан зиёд киши меҳнат қилади. Бундан ташқари, у ерда 30 нафар ёш иш ўрганаёпти.

— Ха, — ўғлининг гапини қувватлади она, — Анваржон ишбилармон, ташкилотчи йигит. «Ташаббус — 2009» кўрик-танловининг туман босқичида қатнашиб, биринчи ўринни олганидан ҳамма хурсанд.

Дарҳақиқат, Бўстонлик туманидаги «Мустақиллик» маҳалла фуқаролар йиғинида яқка тартибда фаолият юритаётган тadbиркор Анвар Мўминовнинг уй шароитида тайёрланаётган 10 дан ортиқ турдаги уй-руғзор жиҳозлари сифати ва харидорлиги билан қўлчилиқнинг эътиборида. Тайёр маҳсулот оғирда туриб қолмайди. Қиз чиқариб, ўғил уйлантириш ниятида бўлганларга эса маҳсулот дўкандигидан 10-15 фоиз арзон сотилади ва манзилга элтиб бериш ҳам бепул.

— «Кишлоқ тараққиёти ва фаровонлиги йили» Давлат дастури доирасида тadbиркор 125-маҳсул мактаб-интернатга турли жиҳозлар ажратди, — дейди туман «Маҳалла» хайрия жамғармаси раиси Тохир Расултоев. — Уқабжи юрт тарақ-

қиётига улуш қўшиб, болалар боғчаларига, мактабларга, шунингдек, кам таъминланган оилаларга ҳомийлик ёрдами кўрсатётган саховатпешалар оз эмас.

Искандар қишлоғида яқка тартибда миллий гилам тўқишни йўлга қўйган тadbиркор Алишер Аҳмедов дастлабки йилда 4 хил гилам тайёрлаган бўлса, уларнинг тури бугунга келиб 48 тага етди.

Йил бошида бу ерда 20 дан зиёд қишлоқ болалари шогирд сифатида ўқитилиб, доимий иш билан таъминланди. Шунингдек, Турсунбой Абдуллаев раҳбарлик қилаётган «Одил» фермер хўжалигида чорва молларини кўпайтириш, экин майдонларини кенгайтириш ҳисобига шу йилнинг ўзида қўшимча 10 та иш ўрни яратилди.

— Қоронқул маҳалласининг ўзида 22 та фермер хўжалиги фаолият юритади, — дейди Хўжақент қишлоқ фуқаролар йиғини раиси Шоикром Шорасуллов. — Шундан 4 таси чорвачилик, 4 таси галлачилик, 14 таси боғдорчилик, 2 таси эса тутчилик билан шуғулланади.

Ўтган йили қишлоқда ёшлар ташаббуси билан 78 гектар тошлоқ майдон ўзлаштирилиб, мевали боғ барпо этилди. Бу йил яна шунча майдонда боғ яратилаёпти. Мақсад, қишлоқ аҳлини иш билан таъминлаш ва юртимизни боғ-роғга айлантириш.

Туман қишлоқ ва маҳаллаларида бугун яратувчилик ишлари қизгин. Бу ҳаракатларнинг барчаси қишлоқларимизнинг янада обод ва фаровон бўлишига, турмуш маданиятининг юксалишига қаратилган.

Мунаввара ИСОҚУЛОВА,
«Тошкент ҳақиқати»
мухбири.

Тошкент вилояти табиатни муҳофазаси қилиш кўмитаси

Она адиёримизнинг яшил бойлигига
бойлик қўшаётган соҳа ходимларини,
вилоятимиз аҳлини улғуф айём —

Наврўз байрали

билан самимий қутлабди.

Тараққиёт сари юз тутган мустақил
Ўзбекистонимизнинг ҳар бир гўшаси
боғ-роғларга айлансин.

Биз тарбиялаётган бугунги авлод

яратувчилик йўлидаги ҳаракатларимизнинг
муносиб давомчилари бўлиб, етишсин.

Наврўз қалбларимизни

сурургга тўлдирсин.

Дастурхонимизда қут-барака,
юртимизда тўй-томоша бўлаверсин.

Дехқончилик тақвими

ҲАМАЛ — АМАЛ

Донишманд аждодларимиз қадим замонларданки самовий ёриткичларнинг ўрни ва уларнинг ҳаракат қонуниятларига оид маълумотларни билганлар. Шулар асосида вақтни, йил фасллари, деҳқончилик, чорвачилик, боғдорчилик ва бошқа кўпгина соҳалардаги ишлар муддатини аниқ ва беҳато чамалаганлар.

Бу кун қадимги Шарқ ва Урта Осиёда туркий тилда «Йил боши», форсийда эса, «Наврўз» (Янги кун) деб аталган.

Ҳамал форсча — Барре, ўзбекча — Кўй деб юрилади. У 22 мартдан то 20 апрелгача давом этади. Бу ойда қўшининг тиккага кўтарилиши тезлашиб, унинг нури ва тафти ерга тобора кўпроқ етиб келади. Кунлар узайиб, 22 мартдан кеча билан кундуз тенг — 12 соатдан бўлса, 31 мартга бориб, кун сезиларли узаяди.

Халқимиз орасида бу ойнинг кечиши, об-ҳавоси ва бошқа ҳислат-хусусиятлари ҳақидаги ҳикоят-ривоятлар, узоқ кузатиш ва тажрибалар асосида пайдо бўлган ҳулосалар, маколлар, ўғитлар кўп. Кишилар деҳқончилик, боғдорчилик ва чорвачиликдаги ишлар муддатини белгилашда улардан кенг фойдаланиб келганлар. Кўп жойларда аҳолининг ўз ҳисобдонлари, тажрибали, билагон қариялари, ўша давр тили билан айтганда, қўраччилар бўлган. Кишилар ўз касблари оид ишлар муддатини улардан сўраб, маслаҳат олганлар.

Хашаротлар, қуш ва ҳайвонлар дунёси гимирлаб қолади. Турнарлар арқони жанубдан шимолга тортилади. Сайроқи қушлар кўпаяди, сўнггида кўк қарға иссиқ ўлкаларга қилган сафаридан қайтиб келади. Халқ орасида «кўк қарғанинг келиши, совуқнинг тугаши» дейилиши шундан.

Кўриниб турибдики, бу ойда инсон учун ҳам, табиат учун ҳам мўътадил об-ҳаво шароити низоҳатда зарур. Аммо, Ҳамал ойи ҳар йили бирдай келавермайди. Меёвдаги ёғингарчилик ўртача 50 миллиметрдан бўлса-да, баъзи йиллар бундан икки баравар ва ҳатто, ундан ҳам кўпроқ бўлиши, ёки аксинча, баъзи йиллар мутлақо қуроқчилик бўлиб, ўт-ўланлар тез қовжираб қолиши мумкин. Харорат ҳам шундай ўзгариб туради. Бу ўринда эл орасида «Ҳамал йиғлок, Савр қурғок» деган гап айла-нишини эслатиб ўтишга тўғри келади.

Кекса ҳисобдонларнинг гапларига қўра, Ҳамалда ёмғир, ҳатто, жала ёғиши, хароратнинг тез-тез пасайиб туриши эҳтимолдан ҳоли эмас.

Мурод ҲАМИДОВ
тайёрлади.

Сиз кутган учрашув

Бу хонандани орқича таърифлаб ўтиришга ҳожат бўлмаса керак. Негаки, у ўзининг бетақор санъати билан қўшиқсевар халқимизнинг кўнгил тўридан алақачон муносиб жой олиб улгурган. Озодбек Назарбеков! У эришган машҳурлик чўққисига чиқиб олишнинг минг битта йўли бордир, лекин халқ учун бу қадар сеvimли бўлишнинг боиси нима экан?

Байрам арафасида тахририятимизда меҳмон бўлган Ўзбекистонда хизмат кўрсатган артист Озодбек Назарбеков билан кечган суҳбатимиз шу саволга жавоб излашдан бошланди.

— Бу менга кейинги пайтлар жуда кўп берилаётган савол, — дейди хонанда. — Энди бу ҳақда чиндан ҳам кўпроқ ўйлаб қўришга тўғри келапти. Бироқ, дабдуростдан бирор нима дейиш нонулай. Бу саволга яқинда катта ҳаяжон билан ўқиб чиққан, муҳтарам Ўртобонимизнинг "Юксак маънавият — энгилмас куч" номли китобларидаги мана бу жумлалар энг лунда ва яхши жавоб бўлади, деб ўйлайман. "...Айрим ёш ижрочи ва ижодий гуруҳларнинг жамоатчилик эътиборига тақдим этаётган "асар"лари санъатнинг ҳеч қандай талаб ва мезонларига жавоб берадими. Нафақат мавзу ва мусика, ижро усуллари, балки сахна ҳаракатларида ҳам оқидан очик ажнабий "оммавий маданият" кўринишларига тақлид қилиш, "юдзулик" касалига чалиниш ҳолатлари тез-тез учраб тураётгани чинакам санъат муҳлисларини ранжитмасдан қолмайди, албатта..." Назаримда, бу фикрга орқича изоҳ ёки қўшимчанинг кераги йўқ.

— Бугунги эстрада санъатимизнинг бир қадар "огрик" нукталари ҳақида ўзингиз гап бошладингиз. Энди айтинг-чи, муайян таърифта эга санъаткор сифатида ёш ижрочиларнинг бугунги интилиш ва изланишларини қандай баҳолайсиз?

— Ҳеч бир мамлакатда инсон маънавиятининг ажралмас бўлаги бўлган адабиёт ва санъатга давлат миқёсида бу қадар юксак эътибор ва ғамхўрлик бўлмаса керак. Бу бизнинг, айниқса, майдонга кириб келаётган ёшларнинг бахти. Ёшлар икtidорини рўйбга чиқариш мақсадида ўтказилаётган қатор кўрик-танловлар, нуфузли мукофотлар, мусика мактабларига курс-

тилаётган ғамхўрлик, дунёга кўз-кўз қилмас арайидиган консерваториямиз — буларнинг ҳамма-ҳаммаси давлатимизни ёшлар камолоти йўлидаги ёрқин эътибори намунасидир.

Ортимиздан келаётган ёшлар ана шу эътиборга

"шоу бизнес"дан иборат деб хато ўйлашдир.

— Дарвоқе, китобхонлик ҳақида. Айрим хонандаларнинг шеър матнига юзаки ёндошишининг асл сабаби шунга бориб тақалмасмикин?

— Энг катта муаммолардан


қўшиқдан ўзлигини топсагина, муҳлисга манзур бўлади. Биз санъаткорлар орасида "ўзини ўзи тартадиган қўшиқлар" деган гап бор. Бу дегани қўшиқни яратасиз-у, бир ўйнаб кел, деб кўчага ҳайдайсиз (Мухаммад Юсуф ибораси). Уни оммалаштириш учун ҳеч қандай ҳаракат ҳам, ҳаражат ҳам қилмайсиз. Қўшиқ муҳлисини, муҳлис қўшиқни топади. Нокаментарлик бўлмас, шахсан менинг ижроимдаги "Кутаман", "Анжанча", "Найда бор" каби тароналар шундай қўшиқлар каторидан жой олган.

Қўшиқларнингизнинг сўзлари беихтиёр эътиборни тортади. Қайси шоирлар билан ҳамкорлик қиласиз?

манд бўлишган. Шўқри, бугунги миллий эстрадамиз ҳам дунёга чиқадиган даражада шаклланиб улгурди.

Чет давлатларга тақлифлар бўлиб турибди, халқаро гастроллар уюштириш режамиз ҳам йўқ эмас. Лекин бунинг масъулиятини чуқур ҳис этмоқ лозим. Бизни четда эшитиладиган одамлар қўшиқларимиз тимсолида бутун ўзбек санъатига баҳо беришларини унутмаслигимиз керак.

Яқинда айтиб беришди. Бир таржимон укамиз Кунчиқар мамлакатдан келган меҳмонларни уч кун машинасида олиб юриб, Тошкентни сайр қилдирибди. Халғи йигит машинасида кўпинча менинг қўшиқларимни эши-



саснинг жаҳон шоу-бизнесида тугган мавқеи орқали ўз мамлакатини иқтисоди миллионлаб даромад кўрапти. Чинакам санъаткор ўз ватанига мана шундай хизмат қилиши керак.

— Нихоят сўнги савол. 4-18 апрель кунлари муҳташам "Истиклол" санъат саройида бўлиб ўтиши кўтиллаётган катта концерт дастуригиз ҳақида ҳам тўхталиб ўтсангиз.

— Бу муҳлисаримиз билан бешинчи хаяжонли учрашувимиз бўлади. "Муштарак манзил" деб номланган концерт дастуригизда 20 га яқин янги қўшиқлар ижро этилади. Ҳозир мен билан бирга катта ижодий гуруҳ ишлаяпти. Рақслар юксак дид билан сахналаштириляпти. Жонли ижродаги қўшиқлар гуруҳимиз йигитлари билан алоҳида тайёргарлик кўраямиз. Жозибали сах-

на безаклари устида доимий ҳамкоримиз Бахтиёр Тўраев шугулланаяпти. Бу сафар дастуригиз ҳар бир блокда сахна безаклари ҳам ўзига хос тарзда ўзгариб туради.

Лекин, мен учун муҳими бу эмас. Концертиимизнинг фаизи залини тўлдириб турувчи муҳлисаримиз билан. Саҳна — муқаддас. У ҳар қандай санъаткорни ҳаяжонга солиши аниқ. Муҳлисаримизнинг менга қадаглан нигоҳи ва эътибори мен учун таянч нуқтаси. Улар менга куч ва илҳом бериб элади.

Ғайрат ШЕРАЛИЕВ суҳбатлашди.

ЭЛДАН
ЭШИТГАН
ГАПЛАРИМ

Баҳонанинг тарозуси йўқ, шунинг учун ҳамма хоҳлаганича олиб кетади.

Қайғурганимга кимдир сенга тасалли бериб, "ҳаммаси ўтиб кетади, барглар бўлиб-деса, аввал таскин толиб, сўнгга ишонасан. Қувончли кунларингга эса, яна кимдир "ҳаммаси ўтиб кетади" деса уни душман санайсан.

Дунёда шундай мураккаб ишлар борки, уларга етти ўлаб бир кесиб қамқиб қўлади.

Хулоса — оғирнинг устидан, мулоҳаза — енгилнинг остидан ўтадиган одамларга ўхшаб қоламсин.

Аёллар бир-бирларига эрларини мактаб яшашди, эркаклар эса, хотинларига бир-бирларини ёмонлаб яшашди.

Мақтаётган одамнинг орқасидан манфаат, мактанайётган одамнинг орқасидан ёлгон туртиб турадиган ҳолатлар ҳам кўп.

Қиз бола отанинг узиламайдиган томиридир.

Ортидан тил билан тишлар қўлаб турса ҳам, нима қилсин, табассумнинг қуни лабга қолган.

Унинг ўз фарзандларидан кўнгал хотиржам. Чунки уларга тарбия берадиган пайтда машаққатли бўлмаган.

Ҳамид НОРКУЛОВ.

Ўзбекистон Республикаси Давлат архитектура
ва қурилиш қўмитасинингТошкент вилояти бўйича Давлат
архитектура-қурилиш назорати инспекцияси

Ж а м о а с и

Азиз ватандошларимизни
ўз таровати ила борлиқни
яшнатиб, дилларни сарафроз айлаганНаврўз айёми
билан муборакбод этади.Юртимизнинг ҳар гўшаси нурга тўлиб,
тинчилик, тўй-тантана,

бахт-саодат ҳукм сураверсин!

Наврўз келтирган қувонч,
қут-барака йилларга татисин.

Ҳурматли юртдошлар!
«GAMMA PROMOTION» МЧЖ
томонидан 2009 йил
25-28 март кунлари
«Истиклол» санъат саройида
хонанда Феруза Жуманиёзова
концерт дастури
режалаштирилган эди.
Маълум сабабларга кўра
концерт қолдирилди.
Харид қилинган чипталар
сарой кассасида қайтарилди.
Олдиндан узимизни
қабул қиласиз.

"СУВСОЗ" ДУК
трести қошидаги
"MUSAFFO OVI HAYOT" МЧЖ
Тошкент вилоятининг Қибрай,
Тошкент ва Зангиота туманларида
шаҳар ичимлик сувидан истеъмол
қилаётган абонентларга
2009 йил 1 апрелдан бошлаб
аҳоли учун:
ичимлик суви — 74,00 сўм 1 м куб
оқава хизмати — 36,00 сўм 1 м куб
этиб белгиланганлигини
маълум қилади.

Общество с ограниченной ответственностью "LAN-SERVIS", зарегистрированное 15.08.2003г. отделом государственной регистрации субъектов предпринимательства хокимията Хамзинского района г. Ташкента № 000889 (ИНН 203370830) ликвидируется (решение учредителя № 1 от 30.01.2009 г.)
Претензии принимаются в течение 2-х месяцев с момента опубликования указанного объявления.

ТОШКЕНТ ҲАҚИҚАТИ
ТАШКЕНТСКАЯ ПРАВДА
Муассис:
ТОШКЕНТ ВИЛОЯТИ ҲОКИМЛИГИ

Бош муҳаррир
Убайдулла
АБДУШОҲИДОВ

Телефонлар:
Хатлар ва оммавий
ишлар бўлими:
236-55-54.
Эълонлар: 236-55-03,
236-53-54.

Манзилимиз:
100000,
Тошкент шаҳри,
Матбуотчилар
кўчаси, 32.

Тошкент вилояти
Матбуот ва ахборот бошқармасида
03-001 рақами билан рўйхатга олинган.
Газета «Тошкент ҳақиқати» тахририяти
компьютер маркасида терилди ва
саҳифаланди.

● Эълон ва билди-
рувлардаги факт
ҳамда далилларнинг
тўғрилиги учун рек-
лама ва эълон бе-
рувчилар масъулдир.